

世界箴言寶庫

孔子箴言集

侯東兵 編



世界箴言宝库

孔孟箴言集

侯冬兵 编

东北朝鲜民族教育出版社

责任编辑:崔炳贤

封面设计:翁立涛

世界箴言宝库 孔孟箴言集

侯冬兵编

东北朝鲜民族教育出版社出版

长春市和丰彩印厂印刷 吉林省新华书店发行

787×1092毫米 32开本 5印张 4插页 95千字

1993年2月第1版 1993年2月第1版第1次印刷

ISBN 7-5437-1439-6/Z·10

印数:1—10000册

定价:2.60元

目 录

上编 孔 子

一、论人生	3
1. 信念 · 志向	
2. 人格 · 品性	
3. 功名 · 义利	
二、论修养	10
1. 道德 · 修养	
2. 言行 · 礼节	
3. 交友 · 察人	
三、论治学	23
四、论政治	29

1. 治国·使民
2. 律己·任人

下编 孟 子

一、论人生 37

1. 命运·信念
2. 人品·心性
3. 功名·义利

二、论修养 52

1. 道德·修养
2. 礼仪·人伦
3. 待人·交友

三、论治学与教育 74

四、论政治 78

1. 治国·使民
2. 任人·尊贤
3. 外交·征伐

上编 孔子



一、论人生

1. 信念·志向

三军可夺帅也，匹夫不可夺志也。

志士仁人，无求生以害仁，有杀身以成仁。

君子可逝也，不可陷也，可欺也，不可罔也。

朝闻道，夕死可也。

子曰：“君子谋道不谋食。耕也，馁在其中矣；学也，禄在其中矣。君子忧道不忧贫。”

司马牛问君子。子曰；“君子不忧不惧。”曰；“不忧不惧；斯谓之君子已乎？”子曰；“内省不疚，夫何忧何惧？”

人能宏道，非道宏人。

苟志于仁矣，无恶也

德不孤，必有邻。

克己复礼为仁。一日克己复礼，天下归仁焉。

为仁由己，而由人乎哉。

子谓子夏曰：“女为君子儒，无为小人儒。”

子路曰：“愿闻子之志。”子曰：“老者安之，朋友信之，少者怀之。”

人无远虑，必有近忧。

或曰：“以德报怨，何如？”子曰：“何以报德？以直报怨，以德报德。”

士不可以不弘毅，任重而道远。仁以为己任，不亦重乎？死而后已，不亦远乎？

求仁而得仁，又何怨？

仁远乎哉？我欲仁，斯仁至矣。

子曰：“人之生也直，罔之生也幸而免。”

苗而不秀者有矣夫！秀而不实者有矣夫。

吾十有五而志于学，三十而立，四十而不惑，五十而知天命，六十而耳顺，七十而从心所欲，不逾矩。

其为人也，发愤忘食，乐以忘忧，不知老之将至之尔。

述而不作，信而好古，窃比于我老彭。

如有用我者，吾其为东周乎？

子在川上，曰：“逝者如斯夫！不舍昼夜。”

子欲居九夷。或曰：“陋，如之何？”子曰：“君子居之，何陋之有？”

子曰：“道不行，乘桴浮于海。”

子曰：“谁能出不由户，何莫由斯道也？”

子曰：“莫我知也夫！”子贡曰：“何为其莫知子也？”子曰：“不怨天，不尤人，下学而上达。知我者天乎？”

天生德于予，桓魋其如予何？

道之将行也与，命也；道之将废也与，命也，公伯寮其如命何！

天何言哉？四时行焉，百物生焉，天何言哉？

获罪于天，无所祷也。

祭如在，祭神如神在。子曰：“吾不与祭，如不祭。”

季路问事鬼神。子曰：“未能事人。焉能事鬼？”
曰：“敢问死。”曰：“未知生，焉知死？”

2. 人格·品性

唯上知与下愚不移。

性相近，习相远也。

生而知之者上也，学而知之者次也；困而学之，又其次也；困而不学，民斯为下矣。

君子不可小知而可大受也，小人不可大受而可小知也。

君子学道则爱人，小人学道则易使也。

子路曰：“君子尚勇乎？”子曰：“君子义以为上，君子有勇而无义为乱，小人有勇而无义为盗。”

君子上达，小人下达。

君子而不仁者有矣夫，未有小人而仁者也。

不逆诈，不亿不信，抑亦先觉者，是贤乎。

唯仁者能好人，能恶人。

中人以上，可以语上也；中人以下，不可以语上也。

唯女子与小人难养也，近之则不孙，远之则怨。

有德者必有言，有言者不必有德。仁者必有勇，勇者不必有仁。

年四十而见恶，其终也已。

道不同，不相为谋。

骥不季称其力，称其德也。

3. 功名·义利

富与贵，是人之所欲也；不以其道得之，不处也。贫与贱，是人之所恶也；不以其道得之，不

去也。君子去仁，恶乎成名？君子无终食之间违仁，造次必于是，颠沛必于是。

士志于道，而耻恶衣恶食者，未足与议也。

饭疏食饮水，曲肱而枕之，乐亦在其中矣。不义而富且贵，于我如浮云。

富而可求也，虽执鞭之士，吾亦为之。如不可求，从吾所好。

君子疾没世而名不称焉。

君子喻于义，小人喻于利。

邦有道，谷；邦无道，谷，耻也。^①

三年学，不至于谷，不易得也。

天下有道则见，^②无道则隐。邦有道，贫且贱焉，耻也；邦无道，富且贵焉，耻也。

君子之仕也，行其义也。

佛肸召，子欲往。子路曰：“昔者由也闻诸夫

① 谷 指俸禄，意为作官。

② 见 同“现”，意为出世入仕。

子曰：‘亲于其身为不善者，君子不入也。’佛以中牟畔，子之往也，如之何？”子曰：“然，有是言也。不曰坚乎，磨而不磷；^①”不曰白乎，涅而不缁。^②吾其匏瓜也哉？焉能系而不食？”

好勇疾贫，乱也。

君子哉蘧伯玉！邦有道，则仕；邦无道，则可卷而怀之。

见利思义，见危授命，久要不忘平生之言，^③亦可以为成人矣。

管仲相桓公，霸诸侯，一匡天下，民到于今受其赐。微管仲，^④吾其被发左衽矣。岂若匹夫匹妇之为谅也，自经于沟渚而莫之知也。

子贡曰：“有美玉于斯，韞椟而藏诸？求善贾而沽诸？”子曰：“沽之哉！沽之哉！我待贾者也。”

① 磷 产 lín (吝)，薄也。

② 涅：黑色染料。这里作动词用，染黑之意。

③ 久要：“要”为“约”的借字，贫困之意。

④ 微：假若没有的意思。

二、论修养

1. 道德·修养

躬自厚而薄责于人，则远怨矣。

夫仁者，己欲立而立人，己欲达而达人。能近取譬，可谓仁之方也。

人而不仁，如礼何？人而不仁，如乐何？

巧言令色，鲜矣仁。

巧言、令色、足恭，左丘明耻之，丘亦耻之。
匿怒而有其人，左丘明耻之，丘亦耻之。

君子病无能焉，不病人之不己知也。

不患无位，患所以立。不患莫己知，求为可知也。

不患人之不己知，患其不能也。

主忠信，徙义，崇德也。爱之欲其生，恶之欲其死，既欲其生，又欲其死，是惑也。

君子无所争。必也射乎！揖让而升，下而饮，其争也君子。

子贡问君子。子曰：“先行其言而后从之。”

法语之言，能无从乎？改之为贵。巽与之言，能无说乎？绎之为贵。说而不绎，从而不改，吾未如之何也已矣。

丘也幸，苟有过，人必知之。

君子之过也，如日月之食焉；过也，人皆见之；更也，人皆仰之。

见贤思齐焉，见不贤而内自省也。

子曰：“宁武子，邦有道，则知；邦无道，则愚。其知可及也，其愚不可及也。”

博学而笃志，切问而近思，仁在其中矣。

德之不修，学之不讲，闻义不能徙，不善不能改，是吾忧也。

里仁为美^①，择不处仁，焉得知。

君子博学于文，约之以礼，亦可以弗畔矣夫。
子绝四——毋意，毋必，毋固，毋我。

子曰：“论笃是与，君子者乎，色庄者乎？”

仁者先难而后获，可谓仁矣。

贤者辟世，其次辟地，其次辟色，其次辟言。

不在其位，不谋其政。

君子求诸己，小人求诸人。

见善如不及，见不善如探汤。吾见其人矣，吾闻其语矣。隐居以求其志，行义以达其道。吾闻其语矣，未见其人矣。

过而不改，是谓过矣。

吾未见好德如好色者也。

知者不惑，仁者不忧，勇者不惧。

^① 里：在这里当看作动词，居住。